

SA's Leading Past Year

Exam Paper Portal

S T U D Y

You have Downloaded, yet Another Great  
Resource to assist you with your Studies ☺

Thank You for Supporting SA Exam Papers

Your Leading Past Year Exam Paper Resource Portal

Visit us @ [www.saexamapers.co.za](http://www.saexamapers.co.za)



SA EXAM  
PAPERS



# **basic education**

Department:  
Basic Education  
**REPUBLIC OF SOUTH AFRICA**

## **SENIOR CERTIFICATE EXAMINATIONS**

**TSHIVENDA LUAMBO LWA HAYANI (HL)**

**BAMMBIRI LA VHUVHILI (P2)**

**2016**

**MARAGA: 80**

**TSHIFHINGA: Awara 2½**

**Bammbiri ili li na masiatari a 24.**

**NDAELA NA MAFHUNGOTHANGELI**

1. Ni humbelwa uri ni vhale siatari ili nga vhuronwane ni sa athu u fhindula mbudziso.
2. Ni songo vhuya na edzisa u vhala bammbiri lothe. Tolani thebulu ya zwi re ngomu kha siatari 4 ni swaye nomboro dza mbudziso dzo vhudziswaho kha zwibveledzwa zwe na guda uno riwaha. Nga murahu ha izwo, vhalani mbudziso idzo ni nange dzine na tama u dzi fhindula.
3. Bammbiri heli li na KHETHEKANYO THARU:

KHETHEKANYO YA A:	Vhurendi	(30)
KHETHEKANYO YA B:	Nganea	(25)
KHETHEKANYO YA C:	Dirama	(25)

4. Fhindulani MBUDZISO THANU dzo fhelela: THARU kha KHETHEKANYO YA A, NTHIHI kha KHETHEKANYO YA B na NTHIHI kha KHETHEKANYO YA C nga ndila i tevhelaho:

**KHETHEKANYO YA A: VHURENDI**

VHURENDI HO RANDELWAHO – Fhindulani mbudziso MBILI.  
TSHIRENDO TSHI SONGO VHONWAHO – Mbudziso ya KHOMBEKHOMBE.

**KHETHEKANYO YA B: NGANEA**

Fhindulani mbudziso NTHIHI.

**KHETHEKANYO YA C: DIRAMA**

Fhindulani mbudziso NTHIHI.

5. KUNANGELE KWA PHINDULO KHA KHETHEKANYO YA B (NGANEA) NA YA C (DIRAMA):

- Fhindulani mbudziso FHEDZI dza kha nganea na kha dirama dze na guda.
- Fhindulani MBUDZISO NDAPFU NTHIHI na MBUDZISO PFUFHI NTHIHI. Arali na fhindula mbudziso ndapfu kha KHETHEKANYO YA B, ni fanela u fhindula mbudziso pfufhi kha KHETHEKANYO YA C. Arali na fhindula mbudziso pfufhi kha KHETHEKANYO YA B, ni fanela u fhindula mbudziso ndapfu kha KHETHEKANYO YA C.
- Shumisani mutevhe wa u sedzulusa uri u ni thuse.

6. VHULAPFU HA PHINDULO

- Mbudziso ndapfu ya Vhurendi i tea u fhindulwa nga maipfi a u bva kha a 250 u ya kha a 300.
  - Mbudziso ndapfu dza khethekanyo ya Nganea na ya Dirama dzi tea u fhindulwa nga maipfi a u bva kha a 400 u ya kha a 450.
  - Vhulapfu ha phindulo dza mbudziso pfufhi vhu tea u langwa nga maraga dzo nekedzwaho/avhelwaho. Phindulo dza vhalingiwa dzi tea u pfufhifhadzwa dza dovha dza livhanywa.
7. Tevhedzani ndaela dzo nekedzwaho mathomoni a khethekanyo INWE na INWE nga vhuronwane.
8. Nomborani phindulo dzañu kokotolo maelana na mutevhe wa u nombora wo shumiswaho kha ili bammbiri la mbudziso.
9. Thomani khethekanyo INWE NA INWE kha siatari LISWA.
10. Ndangatshifhinga yo anganywaho:
- KHETHEKANYO YA A: I anganyelwaho u swika kha minetse ya 40  
KHETHEKANYO YA B: I anganyelwaho u swika kha minetse ya 55  
KHETHEKANYO YA C: I anganyelwaho u swika kha minetse ya 55
11. Nwalani nga vhudele, nahone zwi vhaleaho.

**THEBULU YA ZWI RE NGOMU****KHETHEKANYO YA A: VHURENDI**

Zwiredo zwo randelwaho: Fhindulani mbudziso MBILI dziNwe na dziNwe.

NOMBORO YA MBUDZISO	MBUDZISO	MARAGA	NOMBORO YA SIATARI
1. 'Vhungoho na vivho'	Mbudziso ndapfu	10	6
2. 'Dzuvha la lunako'	Mbudziso pfufhi	10	7
3. 'Zwifhondo zwo salaho zwi zwothe'	Mbudziso pfufhi	10	8
4. 'Muvhili wanga kha u dzivhelwe'	Mbudziso pfufhi	10	9

NA

Tshirendo tshi songo vhonwaho: Mbudziso ya KHOMBEKHOMBE

5. 'Vhushai ha lupfumo'	Mbudziso pfufhi	10	10
-------------------------	-----------------	----	----

**\*PFESESANI:** Fhindulani MBUDZISO NDAPFU NTHIHI na PFUFHI NTHIHI. Arali na fhindula mbudziso ndapfu kha KHETHEKANYO YA B, ni tea u fhindula MBUDZISO PFUFHI u bva kha KHETHEKANYO YA C.  
Kha KHETHEKANYO YA B na KHETHEKANYO YA C, fhindulani mbudziso nthihi-nthihi u bva kha KHETHEKANYO iiwe na iiwe.

**KHETHEKANYO YA B: NGANEA**

**NGANEA:** Fhindulani mbudziso NTHIHI u bva kha NGANEA dzo randelwaho.

6. <i>Tshi do lilwa</i>	Mbudziso ndapfu	25	12
7. <i>Tshi do lilwa</i>	Mbudziso pfufhi	25	12
8. <i>Bulayo lo talifhaho</i>	Mbudziso ndapfu	25	14
9. <i>Bulayo lo talifhaho</i>	Mbudziso pfufhi	25	14
10. <i>Mafeladambwa</i>	Mbudziso ndapfu	25	16
11. <i>Mafeladambwa</i>	Mbudziso pfufhi	25	16

**KHETHEKANYO YA C: DIRAMA**

Fhindulani mbudziso NTHIHI fhedzi u bva kha dirama dzo randelwaho.

12. <i>Ha u tsa ndi ha u gonya (Na zwone zwi a dina)</i>	Mbudziso ndapfu	25	19
13. <i>Ha u tsa ndi ha u gonya (Mutshutshu)</i>	Mbudziso pfufhi	25	19
14. <i>Milomo ya nukala</i>	Mbudziso ndapfu	25	21
15. <i>Milomo ya nukala</i>	Mbudziso pfufhi	25	22

**\*PFESESANI:** Kha KHETHEKANYO YA B na YA C, fhindulani MBUDZISO NDAPFU NTHIHI na MBUDZISO PFUFHI NTHIHI.

A ni lavhelelwi u fhindula mbudziso MBILI ndapfu kana mbudziso MBILI pfufhi.

**MUTEVHE WA U SEDZULUSA**

Ivhani na vhu<sup>z</sup>anzi ha uri no fhindula tshivhalo tsho teaho tsha mbudziso nga u vhea luswayo kha uyu mutevhe wa u sedzulusa:

KHETHEKANYO	MBUDZISO	TSHIVHALO TSHA MBUDZISO DZO TEAHO U FHINDULWA	LUSWAYO (✓)
A: VHURENDI (Vhurendi ho randelwaho)	1–4	2	
A: VHURENDI (Vhurendi vhu songo randelwaho)	5	1	
B: NGANEA (Mbudziso Ndapfu kana Mbudziso Pfufhi)	6–11	1	
C: DIRAMA (Mbudziso Ndapfu kana Mbudziso Pfufhi)	12–15	1	
<b>*PFESESANI:</b> Kha KHETHEKANYO YA B na YA C, ni tea u vha na vhu <sup>z</sup> anzi uri no fhindula mbudziso NDAPFU NTHIHI na PFUFHI NTHIHI. A ni tei u fhindula mbudziso ndapfu MBILI kana mbudziso pfufhi MBILI.			

**KHETHEKANYO YA A: VHURENDI****VHURENDI HO VHONWAHO/RANDELWAHO/GUDIWAHO**

Fhindulani mbudziso MBILI kha NNA dzo vhudziswaho.

**MBUDZISO YA 1 (MBUDZISO NDAPFU)**

Vhalani tshirendo tshi tevhelaho nga vhuronwane uri ni kone u fhindula mbudziso yo vhudziswaho.

**VHUNGOHO NA VIVHO – TR Ratshitanga**

- 1 Vhungoho na vivho ndi tshimange na mbevha,
- 2 Nge zwethe mulilo zwi sa okelani,
- 3 Vivho ndi vhułada, vhungoho ha amba la revha,
- 4 Naho tshadzo mboho idzi mbili hu u buđulana.
- 5 Mutshilitshili wa vivho ndi vhutsilu,
- 6 Ngeno vhungoho vhu tshi phukhula nga nđivho
- 7 Tsha vivho ndi u gungula na u fara nga mbilu,
- 8 Ngeno vhungoho vhu tshi li hada sa khwivho.
- 9 Mudzia u vhihva hothe ndi mulambilu,
- 10 Nge na wa vhaiwe mukovhe khae zwe khakhea,
- 11 Tshidini ndi u tama vhułali ngeno wo bebwa u tsilu,
- 12 Wa hangwa uri zwi ḥodwaho nga vhungoho zwi a phethea.
- 13 Vhungoho ndi tshipphiri tsho vhumbaho muthu na shango,
- 14 U vhu hanedza ndi hone u shaya nzhele,
- 15 Nge hone vhuñe vhu sa shavhe mivhango,
- 16 Vhunga kha hone vhu si na ndele.
- 17 Thi mangali na iwe u hanedzaho zwine nda amba,
- 18 Vhunga tshira tshau ndi hone vhutsilu,
- 19 Vha ngaho iwe ndi vhone vhe vha anda
- 20 Thetshelesa u pfe, u litshe u la mbilu.

Murendi kha itsi tshirendo u ḥoda ri tshi guda uri muitavivho (muvhi) ha nga vuvi o kunda muitazwivhuya (muvhuya) naho vhuvhili havho avha vha tshi dzula vhe kha mbambe/nndwa i sa gumi.

Nga maipfi a u bva kha a 250 u swika kha a 300, nwalani maanea ni tshi sengulusa ndila ye murendi a shumisa ngayo ndima/zwitanza u khwathisedza vhungoho vhu re kha likumedzwa lo newaho afho nthia.

[10]

**MBUDZISO YA 2 (MBUDZISO PFUFHI)**

Vhalani tshirendo tshi tevhelaho nga vhuronwane uri ni do kona u fhindula mbudziso dzo disendekaho khatsho.

**DZUVHA LA LUNAKO – WMR Sigwavhulimu**

- |    |  |
|----|--|
| 1  | Iwe dzuvha la lunako                                   |
| 2  | U rudza mbilu yanga                                    |
| 3  | Nga lunako lwau lu si na muelo                         |
| 4  | Lunako lu pfukaho mikano ya mbilu.                     |
| 5  | Ndo u funa ndi sa athu u u vhona                       |
| 6  | Ndo u tama u tshe phethwani dza tshipulumbu            |
| 7  | Nda u lomba wo tumba ngadeni ya Vho L.T. Nefale        |
| 8  | Wa da Ngovhela u vha tshivhangalelwa tsha mbilu yanga. |
| 9  | Ndo u hwala wo dzumbama vhuhwini                       |
| 10 | Wo katana ngomu khufhini ya tshipulumbu                |
| 11 | Ndi sa divhi muano wa tsiko yau                        |
| 12 | Uri u vuwa nga u dzumbama.                             |
| 13 | Iwe dzuvha la lunako                                   |
| 14 | Mmbudzei o u neaho lunako                              |
| 15 | Ndi mu humbele-vho lunako                              |
| 16 | Lwa maipfi a zwikhodo zwi si na muelo.                 |

- |     |   |     |
|-----|---|-----|
| 2.1 | Talutshedzani ndeme ya ipfi 'dzuvha' kha itsi tshirendo.  | (2) |
| 2.2 | Tshirendo itsi ndi tsha lushaka-de? Tikedzani phindulo yanu.  | (2) |
| 2.3 | Talutshedzani zwine murendi wa itsi tshirendo a tama u bvisela khagala nga vese/mutaladzi wa 6.           | (2) |
| 2.4 | Ndi ufhio muhumbulo muhulwane une murendi a tod a u u bveledza nga tshirendo itsi?                        | (2) |
| 2.5 | No sedza tshirendo itsi nga u angaredza, kuvhonele kwanu kwa zwithu ku fana/fhambana hani na kwa murendi? | (2) |
- [10]

**MBUDZISO YA 3 (MBUDZISO PFUFHI)**

Vhalani tshirendo tshi tevhelaho nga vhuronwane uri ni ḋo kona u fhindula mbudziso dzo disendekaho khatsho.

**ZWIFHONDO ZWO SALAHO ZWI ZWOTHE – NA Milubi**

- |    |  |
|----|--|
| 1  | Ro vha ro ḫamba nga mukhaha                              |
| 2  | Mbilu dzo tshena nga dakalo                              |
| 3  | Musi mugobi a tshi u dodela, uri a ḫangule hau vhutshilo |
| 4  | A vhuvhama, wa kundwa ito la u mu vhona                  |
| 5  | Nga gatho a vhu gathula he gathu!                        |
| 6  | Vhutshilo ha mbo di vha u gathuwa tshothe.               |
| 7  | Yawee, ndi ngani wo ḫuwisiwa wa ḫuwa                     |
| 8  | Wa sia madadzwane au a tshee manu                        |
| 9  | Wo hangwa naa ula musi ula                               |
| 10 | He wa landula wone mulanga                               |
| 11 | Wa u fhambanywa na zwifhondo zwi re zwau                 |
| 12 | Wo hana nandi! Ho ro fa yone mbava                       |
| 13 | Yo tswaho vhutshilo hau                                  |
| 14 | Ya vho sia vhumuthu ha mafhondo au                       |
| 15 | O ḫoredzwa kha danda la vhuhali.                         |
| 16 | Yawee, inwi zwifhondo, fhumulani nandi                   |
| 17 | Tenda u ḫangulwa hanu ho navha luvhandeni                |
| 18 | Litshani nyamulemalema u thome vhudzimba hawo swiswini.  |
| 19 | Ndi hone lufhalafhala                                    |
| 20 | Lu tshi ḋo bvula vivho na vhuhali zwiluvhelo             |
| 21 | Ha vhonala tsho ḫangulaho lufuno lune na lu shaya.       |

- 3.1 Talutshedzani zwine murendi a tama u zwi bvisela khagala nga mataladzi/vese ya 1: 'Ro vha ro ... mukhaha'. (2)
  - 3.2 Vhalani mataladzi/vese ya 3 na ya 4: 'Musi mugobi ... u mu vhona'. Bulani thodea/thikho/thekheniki ya vhurendi yo shumiswaho kha iyi mataladzi. Sumbedzani na ndeme ya u shumisa thekheniki iyo. (2)
  - 3.3 Sedzulusani mataladzi/vese ya 16–21: 'Yawee ... na lu shaya'. Talutshedzani muhumbulo muhulwane wo faredzwaho kha iyi mataladzi. (2)
  - 3.4 Tshitanza/Ndima ya 2 i dzumbulula mutevhetsindo-de tshirendoni itshi? Tikedzani phindulo yanu. (2)
  - 3.5 Sedzulusani tshirendo tshothe nga u angaredza. Vhudipfi hanu ndi vhufhio? Tikedzani phindulo yanu. (2)
- [10]

**MBUDZISO YA 4 (MBUDZISO PFUFHI)**

Vhalani tshirendo tshi tevhelaho nga vhuronwane uri ni do kona u fhindula mbudziso dzo disendekaho khatsho.

**MUVHILI WANGA KHA U DZIVHELWE – MR N̄evhutalu**

- 1 Muvhili wanga kha u dzivhelwe lwa tshothe  
 2 Musi mimuya ya lino shango i tshi vhudzula  
 3 Tshawo hu vhe u dziba nga midzi misima  
 4 Mitodzi i sa tati tshidumbumukwe tsha maanda.
- 5 Wanga muvhili wo dala nzanyo  
 6 Buluvhutsi livhi la v̄hutshilo li mbo vozha  
 7 Ngomu la sima tshisima tsha zwilavhi  
 8 Tthisimakhole tsha mađi o dzikuwaho  
 9 Mađi a lufu lu vhusaho shango.
- 10 Muvhili wanga kha u dzivhelwe  
 11 U dzivhelwe nzivhelo ya tsemo vhuhali  
 12 Buluvhutsi swiswi li u tambudzaho  
 13 Li kundelwe nzuli dza u fhenda  
 14 U vhe muvhilivhili  
 15 Muvhili u si tshiulu tsha u dzungulwa.
- 16 Shangoni lino lo dalaho zwikwekwe zwa vharei  
 17 Muvhili wanga u songo dinetisa  
 18 Wa lilela lone shango  
 19 Shango luvhandeni lwa zwivhulai  
 20 Zwivhulai zwa wone muvhili.
- 21 Muvhili wanga kha u tate sa mudzadze  
 22 U dipfundise wo didzumbamisa  
 23 Vhunga mimuya mivhi ya shango  
 24 I mimuya lufu  
 25 Lufu lwa u vhulaha.

- 4.1 Talutshedzani zwine murendi a tama u zwi bvisela khagala nga mitaladzi/vese ya 2 na ya 3 tshirendoni itshi: 'Musi mimuya ya ... misima'. (2)
- 4.2 Vhalani mutualadzi/vese ya 5. Ipfi 'nzanyo' li ni disela thalutshedzo ifhio tshirendoni itshi? (2)
- 4.3 Sedzulusani ndima ya 3 nga vhuronwane, ni mbo talutshedza muhumbulo muhulwane wo faredzwaho nga ndima iyi. (2)

- 4.4 Vhalani mitaladzi/vese ya 19–20: 'Shango luvhandeni ... wone muvhili'.  
Murendi u shumisa thekhiniki/thikho/thodea ifhio ya vhurendi?  
Talutshedzani uri thekhiniki yeneyo i thusedza hani kupfesesele kwañu kwa ḥthalutshedzo ya tshirendo itshi. (2)
- 4.5 Ni a tendelana na na zwine murendi a khou amba nga mitaladzi/vese ya 23–25: 'Vhunga mimuya ... lwa u vhulaha'?  
Tikedzani phindulo yanu. (2)  
[10]

NA

### VHURENDI VHU SONGO VHONWAHO/RANDELWAHO (HA KHOMBEKHOMBE)

#### MBUDZISO YA 5 (MBUDZISO PFUFHI)

Vhalani tshirendo tshi tevhelaho uri ni ḫdo kona u fhindula mbudziso dzo disendekaho khatsho.

#### VHUSHAI HA LUPFUMO – TN Pholi

- |    |  |
|----|--|
| 1  | Vhushai ha lupfumo                           |
| 2  | Ndi lupfumo lwa vhushai                      |
| 3  | Nge ha pfuma vhushai                         |
| 4  | Ha shaya lupfumo lwa vhapfumi.               |
| 5  | Mushai ha na lupfumo                         |
| 6  | Lwa u lala a songo lala,                     |
| 7  | O pfuma u awela khofheni dzawe,              |
| 8  | Mupfumi ndi mushai wa khofhe u vhalavhalani, |
| 9  | Mbilu i tswimila i sa fhedzi.                |
| 10 | Maswina a mushai nga munwe u a vhala,        |
| 11 | He a dzula ha halimihalimi,                  |
| 12 | A hu na zwine a shavha u dzhielwa,           |
| 13 | Ha ḫodi vhalindi magondoni awe,              |
| 14 | Nge a pfuma u sa vha na tshithu.             |
| 15 | Vhushai ndi lupfumo,                         |
| 16 | O pfumaho itsi ndi a shayaho itsi,           |
| 17 | A shayaho itsi ndi o pfumaho itsi,           |
| 18 | U dzikisa mbilu dza vha tshilaho.            |

- 5.1 Talutshedzani zwine murendi a tama u zwi bvisela khagala nga ndima ya vhuvhili. (2)

- 5.2 Ndi ifhio thekiniki/thikho/thodea ya vhurendi yo shumiswaho kha mitaladzi/vese ya 2 na ya 3: 'Ndi lupfumo ... pfuma vhushai'?

Neani ndeme ya u shumisa thekiniki/thikho/thodea iyo. (2)

- 5.3 Ndi ufhio muhumbulo muhulwane une murendi a tama u u bvisela khagala kha ndima ya 3? (2)

- 5.4 Vhalani mutualadzi/vese ya 15: 'Vhushai ndi lupfumo'.

Ndi ifhio figara ya muambo yo shumiswaho kha uyu mutualadzi/vese, nahone i ni disela kupfesesele-de kwa tshirendo itshi? (2)

- 5.5 Ni a tendelana na na ndila ine murendi a dzhiisa ngayo mupfumi tshirendoni itshi? Tikedzani phindulo yañu. (2)

[10]

**THANGANYELO YA KHETHEKANYO YA A:** 30

**KHETHEKANYO YA B: NGANEA**

Fhindulani mbudziso NTHIHI i bvaho kha nganea ye na guda FHEDZI.

***TSHI DO LILWA – NE Phaswana***

Fhindulani MBUDZISO YA 6 (mbudziso ndapfu) KANA MBUDZISO YA 7 (mbudziso pfufhi).

**MBUDZISO YA 6: *TSHI DO LILWA (MBUDZISO NDAPFU)***

Munwali a re na vhutsila ho dziaho u a kona u shumisa kutshilele kwa vhaanewa u bveledza khudano buguni yawe.

No disendeka nga likumedzwa ili, sengulusani ndila ye munwali a shumisa ngayo kutshilele kwa Vho-Luvhone na Vho-Emeli u bveledza khuđano buguni iyi.

Vhulapfu ha maanea aňu vhu vhe u bva kha maipfi a 400 u ya kha a 450.

[25]

**MBUDZISO YA 7: *TSHI DO LILWA (MBUDZISO PFUFHI)***

Vhalani tshipida tsha mafhundo tshi bvaho buguni iyi uri ni do kona u fhindula mbudziso dzi no tshi tevhela.

**TSHIBVELEDZWA TSHA A**

Mafhundo haya o ita uri Vho-Luvhone vha tou wana zwi khagala tshothe zwauri hu kha di vha na zwinzhi zwo dzumbamaho makwatini. Vho mbo di zwi vhona zwauri thaidzo hafha shangoni wa ri u nga dzi tandulula wa dzi fhedza, u do vha u tshi khou zwifhela vhathu.

Vho-Luvhone vho vha vha tshi dzhia zwauri yunivesithi hu shuma vhathu vhane 5 vha vha na vhučali, nahone vho diimisela u vha tsumbo kha lushaka. Hezwi zwine vha khou pfa nga ndevhe dzavho, zwi khou tou vha tshimangadzo khavho. Kha vhone yunivesithi ndi fhethu hu tandululwaho madandetande nga vhoravhutali vha sa humbuli vho fara zwilelo; vha humbula vho fara dzithoho.

Hu na fhungo hafha dal; ndo vha ndo humbula u li tahiisa musi zwiliwa zwo no 10 luga, uri li tou tsa zwavhudzi na zwiliwa zwine ra do vha ri tshi khou la zwone. Fhedzi ndi khou pfa uri naho zwiliwa zwi tshi kha di vha tshitofuni, ndi nga ralo u vha talutshedza. Mafhundo haya a bindu heli a khou tshimbila nga ndila ine nda nga ri arali zwa nga ya phanda nga u rali, na mushumo hoyu wa laiburari ndi a u furalela. Zwithu zwi khou tshimbila *sweety*; ngoho lupfumo ndi hone ri tshi 15 do tou dikanda ngalwo. Na nne ndi vho tou humbula na u doba goloi zwi tshee zwinu u itela uri bindu heli li si thithisee.

Vhone vha vhona ngei tshikoloni tshavho hu si na kubuli kwa u li tshimbidza? Vho-Emeli vha ralo vha tshi ita vha tshi fhalafhala muṭana wa Vho-Łuvhone hezwi vho ralo u dzula sofani.

20

'Ri do vhona zwi tshi ya phanda; zwa zwino ndi nga zwifha; a thi athu pfa ndo vhofholowa kha haya mafhongo; fhedzi samusi hu si na tshine nda nga ita tshone; ndi wana ndi tshi khou tou kombetshedzea u thusana na havha vhat̄hannga.'

Vho-Emeli vho di bvela phanda na u vha kwengweledza uri vha dzhene khazwo zwa u rengisa uyo muri; Vho-Łuvhone vha tshi vhona vho no vha vhutsini, vho do suvha nga la uri hu na wavho mushumo we vha avhelwa wone nga havha vhat̄hannga. Vho-Emeli vho do bula la uri havha Vho-Łuvhone vha khou itwa ngauri a vha divhi uri ndi vhat̄hu vhangana vhane vha ḥodana na hoyu muri-muliwa-nга-mahosi.

[Ndima ya 5]

- 7.1 Mafhongo e na vhala afho n̄tha a ḥana hani mvumbo ya Vho-Emeli sa muanewa buguni iyi? (2)
- 7.2 Mitaladzi ya 13–15: 'Mafhongo haya ... ndi a u furalela'. Ḥalutshedzani uri i thusedza hani u anetshela zwa phanda mafhungoni a nganea iyi? (2)
- 7.3 Ndi tshini tshi vhangaho khuḍano vhukati ha Vho-Łuvhone na Luambo? (2)
- 7.4 Siangane ya muṭa wa Vho-Łuvhone i ḥutuwedza hani kutshilele kwa Vho-Emeli? (2)
- 7.5 Mafhongo e na vhala a bvukulula hani vhudipfi ha Vho-Emeli zwi tshi kwama bindu ḥavho? (2)
- 7.6 Ndi ufhio mulaedza muhulwane une muñwali a tama u u pfukisa nga mafhongo a nganea iyi? (2)
- 7.7 Kutshilele kwa muṭani wa Vho-Łuvhone kwo ḥutuwedza hani magumo a ḥishandi nganeani iyi? (3)
- 7.8 Ndivho ya muñwali ya u shumisa Vho-Łuvhone sa ḥoho ya mudi buguni ino ndi ifhio? Tikedzani phindulo yañu. (3)
- 7.9 Dzhalagoma o vha tshiga tsha tshanduko ya vhutshilo kha muṭa wa ha Nethulwe. Tikedzani likumedzwa ili. (2)

- 7.10 U ya nga kuhumbulele kwa<sup>ñ</sup>, ni vhona zwe Luambo a ita kha Vho-Luvhone na Vho-Emeli zwi tshi <sup>ñ</sup>tanganedzea naa? (2)
- 7.11 No vha ni tshi nga ita mini arali no diwana ni na khonani kana shaka li tshilaho vhutshilo vhu no nga ha Vho-Emeli? Tikedzani muhumbulo wa<sup>ñ</sup>. (3) [25]

### ***BULAYO LO TALIFHAHO – AW Magau***

Fhindulani MBUDZISO 8 (mbudziso ndapfu) KANA MBUDZISO 9 (mbudziso pfufhi).

#### **MBUDZISO YA 8: *BULAYO LO TALIFHAHO* (MBUDZISO NDAPFU)**

Muniwali a re na vhutsila ho dziaho u a kona u shumisa kutshilele kwa vhaanewa u bveledza khudano buguni yawe.

No disendeka nga likumedzwa ili, sengulusani ndila ye muniwali a shumisa ngayo kutshilele kwa Vho-Lugisani u bveledza khudano buguni iyi.

Vhulapfu ha maanea a<sup>ñ</sup>nu vhu vhe u bva kha maipfi a 400 u ya kha a 450.

[25]

#### **MBUDZISO YA 9: *BULAYO LO TALIFHAHO* (MBUDZISO PFUFHI)**

Vhalani tshipida tshi tevhelaho tsho bviswaho buguni iyi uri ni do kona u fhindula mbudziso dzi no tshi tevhela.

### **TSHIBVELEDZWA TSHA B**

A two ngo leluwa uri muvhunduni wa Dovhoni hu de dzithundu. Ndi zwe nga riwaha wa vhuvhili musi Vho-Lugisani vhe Dovhoni hu nga mathomoni a riwedzi wa Phando, Vho-Lugisani vha dalela Johannesburg he vha dzula u swika mafheleloni a riwedzi wa Luhuhi. Musi vhe henengei sa muthu o shumesaho hone kale, tshifhinga tshilapfu, vha <sup>ñ</sup>tangana na dzikhonani dzavho dza kale khathihi na mashaka avho a kule. Kha vhenevho vha ambisa vhathu vhanzhi vha tamaho madzulo uri vha pfulutshela Dovhoni. Vha dovha hafhu vha laedzela kha dzikhonani uri nnyi na nnyi o no hondwaho nga vhutshilo ha doroboni a funaho u dzula kha shangohaya a nga pfulutshela Dovhoni.

Ndi zwone zwauri arali muthu a tshi <sup>ñ</sup>toda zwivhuya kha vhainwe u bva 10 nduni a tendeleka na shango hune a kon<sup>a</sup> a tshi fhembeledza vhothe ndi hone zwi tshi naka.

Muthu na u hula hawe kana na lupfumo lwawe shango a li koni u tendeleka la da khae la mu fhembeledza. Zwino havha Vho-Lugisani vhane ra khou amba nga havho zwino a vho ngo dalela Johannesburg fhedzi lini, hai, vho dalela na dziniwe dorobo dzine vha dzi divha vha tshi fhembeledza vhathu vha tamaho u dzula mahayani uri vha fhata muvhunduni wavho. Ngangoho kha lwendo lwa Vho-Lugisani vho vha na mashudu nge vha tangana na vha niwe vhanna vhavhili vha zwigwili. Vhenevho ndi Vho-Andries Nethononda vhone vho vha vha tshi takalela u fhata vhengele lihulu la musalauno ngei Dovhoni ngeno Vho-Makhado vha tshi tama u fhata khefi khulwane vhukuma i no do rengisa na mahalwa a tshikhuwa.

Nga nwedzi wa Fulwi havha vhanna vhavhili vha vhuya fhano Venda vha da vha wana dzithendelo dza mabindu avho ho fanelaho vha dzi wana. Nga murahu ha muniwe nwaha nga nwedzi wa Fulwi hafhu zwifhato zwa ala mabindu zwa vha two no fhela u fhatiwa nahone nga wonoyo nwedzi zwa thoma u vhambadza. Nga itsho tshifhinga ndi musi Dovhoni ho no vha na miraga ya fumi-thanu. Zwa ita uri midi yothe i vhe fuiña yo tangana na ya kale.

Vhanna vhenevha vha dzithundu vho tangana na vhalala vha vhumba khoro yavho ya u tshimbidza mafhundo a muvhunduni wa havho. Khoro ya hone yo vha i tshi shuma nga Swondaha nga masiari.

[Ndima ya 7]

- 9.1 Mafhundo e na vhala a ola Vho-Lugisani sa muthu-de buguni iyi? (2)
  - 9.2 Vhalani mitaladzi ya 6–7: 'Kha vhenevho ... pfulutshele Dovhoni'.
- Talutshedzani uri izwi two thusedza hani u anetshela zwa phanda mafhungoni a nganea iyi? (2)
- 9.3 Ndi tshini tshi vhangaho khudano vhukati ha Vho-Lugisani na Vho-Mandiwana na lugwada lwavho? (2)
  - 9.4 Siangane ya kutshilele kwa Vho-Lugisani yo tutuwedza hani tshipikwa tshavho tsha u bveledza shango la Dovhoni? (2)
  - 9.5 Mafhundo e na vhala a bvukulula hani vhudipfi ha Vho-Lugisani zwi tshi kwama shango la Dovhoni? (2)
  - 9.6 Ndi zwifhio zwine muriwali wa bugu iyi a tama ri tshi guda nga vhatshilo ha Vho-Mandiwana na khonani dzavho? (2)
  - 9.7 Thaidzo ya muanewa dendele ni vhona yo tandululea nga ndila-de buguni iyi? Tandavhudzani phindulo yanu. (3)

- 9.8 Ndivho ya muñwali ya u shumisa Vho-Mphaga sa t̄hoho ya shango buguni iyi ndi ifhio? Tikedzani phindulo yañu. (3)
- 9.9 U farwa ha Tshammbenga ho vha na masiandaitwa-de kha Vho-Mandiwana na khonani dzavho? (2)
- 9.10 U ya nga kuhumbulele kwañu, ni vhona kutshilele kwa vhafunzi Vho-Mamidze ku tshi t̄ganganedzea naa? Tikedzani muhumbulo wañu. (2)
- 9.11 No vha ni tshi nga itani arali no diwana ni khonani ya Vho-Mandiwana na thama dzavho? Khwathisedzani muhumbulo wañu. (3)

[25]

***MAFELADAMBWA – NE Sigogo***

Fhindulani MBUDZISO 10 (mbudziso ndapfu) KANA MBUDZISO 11 (mbudziso pfufhi).

***MBUDZISO YA 10: MAFELADAMBWA (MBUDZISO NDAPFU)***

Muñwali a re na vhutsila ho dziaho u a kona u shumisa kutshilele kwa vhaanewa u bveledza khuñano buguni yawe.

No disendeka nga likumedzwa ili, sengulusani ndila ye muñwali a shumisa ngayo kutshilele kwa Mawela u bveledza khuñano buguni iyi.

Vhulapfu ha maanea añu vhu vhe u bva kha maipfi a 400 u ya kha a 450.

[25]

***MBUDZISO YA 11: MAFELADAMBWA (MBUDZISO PFUFHI)***

Vhalani mafhungo a tevhelaho uri ni do kona u fhindula mbudziso dzo disendekaho khao.

***TSHIBVELEDZWA TSHA C***

Línwe ñuvha Tshimangadzo a tshi vhuya tshikoloni, a dzhena o tou sinyuwa vhukuma. A tshi dzhena afha hayani, o wana mme awe vho dzula ngomu nduni. Vha khou endela u ita zwa u dirungela zwithu zwavho. Ene o ri u dzhena nduni a mbo di fhirela kamarani yawé he a swika a tou diposa mmbetení e tshovho!

Khuvha a tshi fhira afha he mme awe vha dzula hone o fhira na u amba kana u vha lumelisa zwaho a songo hu ita. 5

'Ai! Tshimangadzo nwananga, mulandu ndi mini ni tshi pfuka sa ni no nga a no ngo vhona muthu? Ho tou tshinyala mini ñamusi? No dinwa nga nnyi?'  
'A hu na,' Ndi ene Tshimangadzo.

'Ni a zwifha nwananga, nne ni khou ri inwi a thi ni divhi-shu? Ipfi lanu arali lo takala li a pfala, zwino namusi ipfi a lo ngo thanya. Musi no takala ndi tou ni vhona na musi ni tshe kule. Zwino kuambele kwanu a ku khou ntanzwa lini. Nwananga, idani ni mmbudze two ni dinaho. Ngoho namusi ni khou sokou sinyuwa, a ni divhi zwauri ndo ri u vhona makole haya nda mbo di tou ni bikela dombo lo nda ni itela na swobo ya marambo. Ngavhe ni tshi divha uri ndi ni funa hani nwananga, no vha ni sa nga do lenga u mmbudza zwine zwa khou ni dina.'

Tshimangadzo ha ngo tendela mme awe uri hu na two mu dinaho lini. Mme vha tshi vho pfa a tshi ri lenelo dombolo line vha divha a tshi li funesa ha khou la, vha mbo di takuwa vha ya henengei kamarani hune a khou amba e hone. Vha tshi khou di mu vhudzisa vha tshi ya phanda, a mbo di thukhula tshililo tshihulu. Vho-Maemu vho mu kwengweledza vha sokou vhuya vha amba zwino na ziwa vha tshi ri mbilu yawe i we uri a kone u vha toololela zwine zwa khou mu dina. Nangoho nga murahu o vhuya a fhumula a kona u toolola.

'Mmawe, mafhungo ane nda khou lilela one a si anga lini,' a tshi ralo u khou fekemula.

'Zwino a si anu nwananga, ni khou lilela mini ngauri a si anu?'

'Ndi khou lila ngauri a kwama vhone mmawe.'

[Ndima ya 6]

- 11.1 Mafhungo e na vhala afho nthia a tana hani mvumbo ya Vho-Maemu sa muanewa? (2)
- 11.2 Vhalani mutualadzi wa 27: 'Ndi khou lila ... mmawe'.  
Talutshedzani uri izwi zwi thusedza hani u anetshela zwa phanda mafhungoni a nganea iyi. (2)
- 11.3 Ndi tshini tshi vhangaho khudano vhukati ha Vho-Maemu na Mawela? (2)
- 11.4 Siangane ya kutshilele kwa Mawela sa mutshudeni wa yunivesithi i tutuwedza hani nyimele ine a diwana a tshi vho todou fhisela Vho-Maemu nduni? (2)
- 11.5 Mafhungo e na vhala a anana/tshimbilelana hani na mudzedze wa tshifhinga? (2)
- 11.6 Ndi zwifhio zwine murwali wa bugu iyi a tama ri tshi guda nga kutshilele kwa Mawela? (3)
- 11.7 Thaidzo ya Mawela ni vhona yo tandululea nga ndila-de buguni iyi?  
Tikedzani phindulo yanu. (2)

- 11.8 Ndivho ya muñwali ya u shumisa Vho-Ramasunzi sa t̄hoho ya muñi buguni iyi ndi ifhio? Tikedzani phindulo yañu. (3)
- 11.9 Vhuñanzi ha vhafunzi Vho-Sedzani ho thusedza hani u bveledza magumo a lishandi nganeani iyi? (2)
- 11.10 U ya nga kuhumbulele kwanu, ni vhabona zwo tea naa uri Mawela a vhuye a dzhie liga la u t̄oda u fhisa mudi wa Vho-Lialama nga mulandu wa mafhuno a u humbulela? Tikedzani phindulo yañu. (2)
- 11.11 Arali no vha ni khonani ya Vho-Sara no vha ni tshi nga vha eletshedza mini no sedza mafhuno a nganea iyi? Tikedzani phindulo yañu. (3)  
[25]

**THANGANYELO YA KHETHEKANYO YA B:** 25

**KHETHEKANYO YA C: DIRAMA**

Fhindulani mbudziso NTHIHI i bvaho kha dirama ye na guda FHEDZI.

***HA U TSA NDI HA U GONYA – LL Mafenya na NA Milubi***

Fhindulani MBUDZISO 12 (mbudziso ndapfu) KANA MBUDZISO 13 (mbudziso pfufhi).

**MBUDZISO YA 12: *HA U TSA NDI HA U GONYA: (NA ZWONE ZWI A DINA) (MBUDZISO NDAPFU)***

Dziinwe dza thikho/thodea dza dirama ndi u gudisa na u mvumvusa vhathu nga milaedza i wanalahlo khayo.

No disendeka nga likumedzwa ili, sengulusani milaedza mihulwane ine ya taniwa nga mafhungo a dirama iyi.

Vhulapfu ha maanea anu vhu vhe u bva kha maipfi a 400 u ya kha a 450.

[25]

**MBUDZISO YA 13: *HA U TSA NDI HA U GONYA (MUTSHUTSHU) (MBUDZISO PFUFHI)***

Vhalani tshipida tshi tevhelaho tsho bviswaho buguni iyi uri ni do kona u fhindula mbudziso dzo disendekaho khatsho.

**TSHIBVELEDZWA TSHA D**

NTSHAVHENI: (*E ethere*) Yaa, vhutshilo vhu a kondā. Alice ndi u ntala izwi zwithu. Ndo no ya lunzhi khae ndi tshi luvhelela zwi khou sea zwi tshi tanama. Hu dina hezwi zwine a si vhuye a sumbedza u sinyuwa. Arali o vha o sinyuwa ndo vha ndi tshi do ri mbiti dzi tshi wa u do vhuya. Zwino u tou amba na nne sa muthu muñwe 5 na muñwe. Funzani o amba ngoho, ndi hone ndo diitani. Ndi vho fana na vhalā vhatthannga vha no twa vha tshi pandela vhasadzi. Na nne ndo vha ndi tshi khou ita zwiswa ngoho, Steve na Khakhathi ndi vhathu vha u thetshelleswa lini. Zwino ndo dishuma dambi lihulu khezwi. Houla riwana o vha o nndugela 10 nne nda tamba ngae. U tou takadza ūri a si dabada lune a nga gidimela u funa muriwe muthu. Zwino ndo sokou diita swina na ula muthannga Matibe. Kani-ha ndi nga ya khae khamusi u do amba na Alice? Hai, hezwo zwi nga si ite-vho lini. Kha ndi pfumbise leneli la Funzani. Tenda ndo no di vha ndilani. Ene 15 kha founu u pfala a si tshe na nndwa na nne lini.

Nahone afhu o tenda u ya kha Alice. Ndi tsumbo ya uri o mpfarela. Na modoro wawe zwi no takadza khoyu wo paka heneffa hayani. Zwi sumba uri u hone. Aredi tenda ndo swika ndi do pfa ngae. Arali zwo tshimbila kha Alice, muya wanga ndi 20 do pfa wo rula. Yo, khezwi ni tshi nga no tou nndindela?

**FUNZANI:** Ndo vha ndo dzula heneffa masofani zwino ndi khou di vhona modoro wañu u tshi khou ima. Na nne a si kale ndo swika lini. Hezwila ni tshi khou founa kha selula ndo vha ndi siho fhano hayani. Ndi khou bva ngei he na nthuma. Ndo vho tou mu 25 tevhela mushumoni zwa vho ita uri ndi vhuye nae.

**NTSHAVHENI:** U ri goloi yawe i ngafhi?

**FUNZANI:** U ri yo ya giratshini yo iswa nga khaladzi awe.

**NTSHAVHENI:** Zwino u ri mini? Zwi do ita?

**FUNZANI:** Ya, houla muthu o dinalea Ntshavheni. Fhedzi ndo lingedza 30 zwi tou nga zwi do ita.

**NTSHAVHENI:** U ri u do vhuya? A nga vhuya lini?

**FUNZANI:** Ni khou dina u nkanga ndi tshi kha di amba. U pfesesa o pfesesa. Na uri ni khou humbelo pfarelo o zwi tanganedza fhedzi u ri a nga si vhuye a sa athu amba na inwi muñe wa 35 mafhungo. U ri hu na zwinzhi zwine na tea u dzudzanya.

[Luta 1 Bono V]

- 13.1 Mafhungo e na vhala a ola Ntshavheni sa mubvumbedzwa-de? (2)
- 13.2 Ndi tshipida tshifhio tsha puloto tsho taniwaho nga mafhungo aya? (2)
- 13.3 U amba e ethe ha Ntshavheni hu dzumbulula lushaka lufhio lwa khuđano? Tikedzani phindulo yañu. (2)
- 13.4 Ndi ngafhi hune Ntshavheni a fhambana hone na Funzani mafhungoni a dirama iyi? (2)
- 13.5 Mafhungo a dirama iyi a bvisela hani khagala vhudipfi ha Alice? (2)
- 13.6 Mafhungo a muta wa Ntshavheni na Alice a anana/tshimbilelana hani na mudzedze wa tshifhinga? Talutshedzani. (3)

- 13.7 Ndi ufhio muhumbulo muhulwane une muñwali wa ḋirama iyi a tama u u bveledza? Tikedzani phindulo yanu. (2)
- 13.8 Siangane na fhethuvhupo zwi tutuwedza hani Ntshavheni uri a ḋiwane e kha nyimele ine a vha khayo? Tikedzani phindulo yanu. (2)
- 13.9 Mafhungo e na vhala a kwama hani mathakheshandwa a ḋirama iyi? Tikedzani phindulo yanu? (3)
- 13.10 Ni vhona kutshilele kwa Vho-Alice na ndila ye vha ḋifara ngayo buguni iyi zwi tshi ḥanganedzea naa? Tikedzani phindulo yanu. (3)
- 13.11 U ya nga ha inwi, ni vhona muvhuso u tshi khou ita zwo linganaho kha fhelisa u tambudzwa ha vhafumakadzi? Tikedzani muhumbulo wanu. (2)
- [25]

### ***MILOMO YA NUKALA – MP Nefefe***

Fhindulani MBUDZISO 14 (mbudziso ndapfu) KANA MBUDZISO 15 (mbudziso pfufhi).

#### ***MBUDZISO YA 14: MILOMO YA NUKALA (MBUDZISO NDAPFU)***

Dzinwe dza thikho/thondea dza ḋirama ndi u gudisa na u mvumvusa vhatu nga milaedza i wanalahlo khayo.

No ḋisendeka nga likumedzwa ili, sengulusani milaedza mihilwane ine ya ḥaniwa nga mafhungo a iyi ḋirama.

Vhulapfu ha maanea anu vhu vhe u bva kha maipfi a 400 u ya kha a 450.

[25]

**MBUDZISO YA 15: MILOMO YA NUKALA (MBUDZISO PFUFHI)**

Vhalani tshipida tshi tevhelaho tsho bviswaho buguni iyi uri ni do kona u fhindula mbudziso dzo disendekaho khatsho.

**TSHIBVELEDZWA TSHA E**

VHO-RANWEDZI:	Ee! Mafhungo ndi a nwana wavho hoyu Ntshengedzeni.	
VHO-BUKUTA:	Ntshengedzeni onoyu nwanganja? Hu khou pfi ho itea mini kha nwanganja?	
VHO-RANWEDZI:	Ntshengedzeni onoyu nwana wavho.	
VHO-BUKUTA:	Hu khou pfi o ita mini? 5	
VHO-RANWEDZI:	Ha, u ya nga u vhona hanga zwithu kha Ntshengedzeni a zwi tsha tou tshimbila zwavhuudi u fana na zwiila kale.	
VHO-BUKUTA:	Nne a thi khou vha pfesesa. Vha khou amba u tshimbila zwavhuudi nga ndila-de? Kani u vhonala sa muthu o thithiseaho muhumbuloni? 10	
VHO-RANWEDZI:	A zwo ngo tou ralo muue wanga. Mudedekadzi Vho-Ramunswu kha vha do talutshedza zwauri hu khou bvelela mini.	
VHO-RAMUNTSWU:	Ndo livhuwa. Zwiitwana zwa Ntshengedzeni ano maduvha ngoho a zwi khou vhuya zwa pfesesa na luthihi. A zwi kondi kha Ntshengedzeni uri u wane o edela kialasini ngeno vhadededzi vha tshi di vha vhukati na u funza. Kana wa ri u tshi mu vhudzisa mbudziso a tou tshenuwa. Khamusi a fhedza nga u amba zwithu zwa thungo-thungo zwi sa elani na zwine zwa khou funziwa. Tshiinwe tshifhinga u tou wana muvhigo une wa khou bva kha vhaiwe vhana vha tshikolo vha tshi khou talutshedza zwauri Ntshengedzeni u khou sokou lila e ethi. Zwino riine sa vhadededzi hezwi zwithu a zwi khou vhuya zwa ri fara zwavhuudi na luthihi. Ri khou vhona hoyu nwana a na thaidzo i sa takuwi. 15 20 25	
VHO-RANWEDZI:	Ro lingeda nga nungo dzothi uri ri pfe thaidzo yawe. Zwothe zwo sokou sea zwi tshi tanama. Ndi ngazwo vha tshi vhona ro vhuya ra tou iwe vhabebi vha nwana ni divhe zwine ra khou tangana nazwo. 30	

VHO-BUKUTA:	Zwino vhoiwe arali riwana o tou landula ene muñé a ri ha na thaidzo, vhoiwe zwi ni vhavha ngafhi?
VHO-RAÑWEDZI:	A si mafhundo a u vhaisala fhethu lini. Sa mudededzi o imelaho vhubebi musi vhabebe vha fhano tshikoloni, nñé ndi vhona zwo tea u ita ndilomuthathe kha u alusa 35 havha vhana.
VHO-TAKALANI:	Hafho vha khou amba ngoho vhophirisipala. Nwana ndi washu roþe.
VHO-BUKUTA:	Vhathu kha vha litshe u twa vha tshi sudzunganya riwana o diawetshela. Vhoiwe ni khou dinwa ngani arali 40 o awela?
VHO-TAKALANI:	Hai! Nandi khotsi a Tsumbedzo! Ri nga si ri riwana o awela ngeno o edela kilasini. Vha pfa e mafhundo eneyo ane vha khou amba?
VHO-BUKUTA:	Nñé vhathu kha vha humise zwanda kha riwananga. Ha 45 lwali hoyu riwana! Na luthihi ha lwali! Ndi a zwi divha nñé ( <i>Vha tshi vhudzisa Ntshengedzeni</i> ) Nandi u khou lwala iwe?
NTSHENGEDZENI:	( <i>O kotamela fhasi</i> ) Hai.
VHO-BUKUTA:	Vhathu musi ni khou zwi pfa a tshi khou tou diambela 50 ene muñé a tshi ri ha lwali? Zwino vhoiwe ni khou muimeledza ni tshi mu vhofha zwiambuko uri a vhuye a tende zwauri u a lwala. U ri u tenda vhoiwe na wana mini? Hu khou itea mini afha fhethu?

[Luta 2 Bono II]

- 15.1 Mafhundo e na vhala afho nthia a ola Vho-Bukuta sa mubvumbedzwa-de? (2)
- 15.2 Ndi tshipida tshifhio tsha puloto tsho taniwaho nga mafhundo aya? Tikedzani phindulo yanu. (2)
- 15.3 Kha mafhundo e na vhala ndi lushaka lufhio lwa khuñano lwo taniwaho? Tikedzani phindulo yanu. (2)
- 15.4 Vhalani mutualadzi wa 49: '(*O kotamela fhasi*)'. Sumbedzani uri ndi ngani muñwali o shumisa ndango ya tshireidzhi nga ndila heyi. (2)

- 15.5 Mafhungo a dirama iyi a bvisela hani khagala vhu<sup>d</sup>ipfi ha Tsumbedzo nga ha kutshilele kwa khotsi awe? (2)
- 15.6 Bviselani khagala ndila ye mu<sup>n</sup>wali a tana ngayo aironi ya dirama mafhungoni a bugu iyi. (3)
- 15.7 Ndi ufhio muhumbulo muhulwane une mu<sup>n</sup>wali a tama u u bveledza kha dirama iyi? Tikedzani phindulo yanu. (2)
- 15.8 Siangane na fhethuvhupo zwi thusedza hani Vho-Takalani uri vha sa kone u vhona zwine zwa khou bvelela kha Ntshengedzeni? Tikedzani phindulo yanu. (3)
- 15.9 Mafhungo e na vhala a tu<sup>t</sup>uwedza hani mat<sup>h</sup>akheni a dirama iyi? Tikedzani phindulo yanu. (2)
- 15.10 Ni vhona kutshilele kwa Ntshengedzeni na ndila ye a difara ngayo mafhungoni a buguni iyi ku tshi tanganedzea naa? Tikedzani phindulo yanu. (3)
- 15.11 U ya nga ha inwi, ni vhona mulayo wa shango u tshi khou ita zwo linganaho na kha u tsireledza vhana? Tikedzani phindulo yanu. (2)
- [25]

**THANGANYELO YA KHETHEKANYO YA C:  
MARAGAGUTE:**

25  
80